

SOSO-KUMIAK

Soso-kume azicho
 Bi ziran arkitzen,
 Beren abillidade
 Urriyak argitzen;
 Zerbaicho ziranian
 Eguaz arindu,
 Amak ziyen andikan
 Joateko agindu.
 Esanaz ibiltzeko
 Jakiyaren billa,
 Naiz chichare biziya
 Edo ar-sis illa,
 Guztiya zala ona,
 Eta gereziya,
 Zeguela gorritzen
 Ederki asiya;
 Itz au ziyotenian
 Amari aditu,
 Ume ayek ziraden

Kabitik mugitu;
 Joan ziran azkar biyak
 Gerezi gañera,
 Al zituzten alerik
 Onenak jatera;
 Eta ari zirala
 Jan ta jan gogotik,
 Biyak gelditu ziran
 Elbarri mokotik.

.

Guk ere egiñ arren
 Jaten alegiña,
 Baliteke sortzia
 Agiñeko miña;
 Geyegizko jatia
 Ez da batere on,
 Jan bearda jakiñez
 Noiz, ta nola, ta non.

JUAN IGNAZIO URANGA.